



ФИЛОЛОГ

часопис за језик, књижевност и културу
VI 2015 11
универзитет у бањој луци
филолошки факултет



KONTINUIRANO UPUĆIVANJE NA ŽIVE I NEŽIVE ENTITETE U PISANOM DISKURSU

Apstrakt: *Cilj ovoga rada je da ispita kako teče kontinuirano upućivanje na neki entitet u pisanim diskursima. Pošto smatramo da kontinuirano upućivanje na neki referent zavisi od prirode referenta na koji se upućuje, posebno smo analizirali upućivanje na žive, a posebno na nežive referente. Jedna od karakteristika jezika je njegova referencijska funkcija koja nam omogućava ne samo da identifikujuemo stvari, bića, predmete, već i da na njih uputimo ili kontinuirano upućujemo koristeći čitav niz referencijskih sredstava od nedvosmislenih imenskih fraza, repeticije imenske sintagme, preko ličnih zamjenica i demonstrativa. Uspješnost uspostavljanja i održavanja toka referencijacije zavisi od toga da li je čitaocu omogućeno da prati učesnike, događaje ili predmete koji se pojavljuju u tekstu. Tekst koji nam je poslužio za ovakvu vrstu analize je pripovijetka pisana na engleskom i srpskom jeziku.*

Ključne riječi: *diskurs, referencijacija, živi i neživi referenti, pripovijetka.*

1. Uvod

Upristupu koheziji kojeg nude Halliday i Hasan (1976), referencijacija se ograničava na vezu identiteta koja postoji između dva lingvistička izraza. U primjeru ekscerptiranom iz našeg korpusa zamjenica *he* (on) upućuje na Mr. Pirzadu u tekstualnom svijetu:

Before eating Mr. Pirzada always did a curious thing. *He* took out a plain silver watch without a band, which he kept in his breast pocket [...].

(IoM, str. 35)

Drugim riječima, pod referencijacijom se podrazumijeva onaj fenomen koji čitaocu ili slušaocu omogućava da uprati, odnosno prati učesnike, događaje i predmete koji se pojavljuju u tekstu uvidanjem veze sa tekstrom koji je prethodio i tekstrom koji slijedi. Uvezivanje teksta na ovaj način vrši se repeticijom imenske sintagme i pronominalnom anaforom. Prvobitni izbor referencijskog sredstva kao i kombinacija sredstava referencijacije kojima će se održavati tok referencijskog kontinuiteta zavise od ograničenja koja pisani diskurs nameće pri uspostavljanju i održavanju toka referencijskog kontinuiteta, ali i od prirode referenta na koji se upućuje. Pomenuta

ograničenja su najčešće uslovljena vrstom, dužinom i strukturom diskursa, a uglavnom proizilaze iz pragmatičkih i tekstualnih aspekata jezika.

U vezi s tim je i predmet ovog rada čiji je cilj je da se ispita kako teče kontinuirano upućivanje na neki entitet u pisanim diskursima. S obzirom da je naša pretpostavka da se referencijacija drugačije uspostavlja i održava kod upućivanja na žive, a drugačije kod upućivanja na nežive entitete, rad smo strukturisali tako da se posebno analiziraju ova dva segmenta.

Kao korpus za analizu pisanih diskursa poslužile su nam odabrane pripovijetke pisane na engleskom i srpskom jeziku iz sljedećih zbirki pripovijedaka: *The Interpreter of Maladies* (IoM), *Carski rez i druge priče* (CR), *Konji Svetog Marka* (KSM) i *Stakleni puž* (SP).

Poređenje toka referencijskog kontinuiteta u dva jezika pomoglo nam je da rasvjetlimo da li i u kojoj mjeri sistemske razlike između engleskog i srpskog jezika utiču na uspostavljanje referencijskog kontinuiteta, s obzirom da se radi o funkcionalnom i pragmatičkom, a ne gramatičkom fenomenu.

Analiza korpusa potvrdila je nekoliko karakteristika vezanih za fenomen referencijacije u pisanim tekstu. Zajednička karakteristika oba

jezika odnosi se na prvo pominjanje referenta. Novi referent se u diskurs uvodi imenskom sintagmom, bilo da ta sintagma u sastavu ima lično ime ili opšti naziv. Uspostavljena referencijalna kontinuacija je u najvećem broju slučajeva pronominalna.

U srpskom jeziku, odsustvo lične zamjenice je primarno sredstvo održavanja referencijalnog kontinuiteta.

Pronominalna anafora u korpusu pisanom na engleskom jeziku najčešće je ostvaravana ličnim zamjenicama. Odsustvo lične zamjenice u nominativu nije karakteristično sredstvo održavanja kontinuacije u engleskom jeziku.

S obzirom da su dio analiziranog korpusa bili i toponimi, treba istaći da je referencijalna kontinuacija kod ovih entiteta u dva jezika uglavnom tekla repeticijom imenske sintagme. Primjeri zamjeničkog upućivanja na toponime su jako rijetki i javljali su se u svega 2% primjera.

Na druge nežive referente upućivalo se i repeticijom imenske sintagme i pronominalnom anaforom, s tim što srpski jezik bilježi i odsustvo lične zamjenice u nominativu kao jedno od mogućih referencijalnih izraza.

2. O problemu referencijacije i njenom održavanju

Jedna od karakteristika jezika jeste da govorom licu dozvoljava da kombinovanjem izraza, uputi na neki entitet diskursa, koji može biti živ ili neživ. Kod upućivanja na nežive referente kombinacija specifičnih izraza je nešto ograničenija.

Upotrebom imenske fraze *the Queen of The United Kingdom* jasno se i bez dvojbe upućuje na jedinu osobu koja nosi titulu kraljice Ujedinjenog kraljevstva. Na pomenuti referent se nedvosmisleno može uputiti i jedinstvenim referencijalnim izrazom koji takođe upućuje na kraljicu Engleske, a to je lično ime Elizabeta II. Međutim, koji će referencijalni izraz biti upotrijebljen u pisanom diskursu ne zavisi samo od izbora govornog lica već i od kognitivnih karakteristika sagovornika, kao i od vrste teksta u ko-

jem se vrši upućivanje na pojedinu ličnost, predmet, stvar ili pojavu. Tako, umjesto ovih nedvosmislenih imenskih fraza govorno lice može podjednako uspješno po referencijaciju da koristi lične zamjenice (ona) ili demonstrative (ta/ova) kako bi uputio na pomenuti referent. Jedino pravilo koje karakteriše većinu pisanih tekstova odnosi se na prvo pominjanje referenta, odnosno njegovo uvođenje u diskurs. Za prvo pominjanje neophodno je upotrijebiti onaj referencijalni izraz koji će sagovorniku omogućiti da prepozna o kojem je referentu riječ. U tu svrhu najčešće se koriste lična imena. Za svako sljedeće upućivanje na isti referent koriste se određeni i anaforski izrazi. Međutim, da to nije uvjek slučaj pokazuje primjer iz našeg korpusa, u kojem se tok referencijalnog kontinuiteta ostvaruje ličnim imenom iza kojeg slijedi neodređen izraz:

Mr. Das stepped out of car and stretched his legs by squatting briefly to the ground. *A clean-shaven man*, he looked exactly like a magnified version of Ronny.

(IoM, str. 48)

Iako bismo očekivali da se sljedeće pominjanje referenta označenog kao gospodin Das vrši određenom imenskom sintagmom, s obzirom da je gospodin Das već uveden u diskurs kao gospodin Das, javlja se izuzetak pojavom neodređene sintagme (*a clean-shaven man*), što možemo jedino povezati sa asocijativnim poređenjem koje se vrši u istoj rečenici. Kao rezultat tog poređenja gospodin Das se javlja kao nova ličnost, ona koja uočljivo podsjeća na jedan drugi referent diskursa označen kao Ronny, čime je opravdana upotreba neodređenog člana.

Onog trenutka kada se identificuje željeni referent, referencijalni kontinuitet može poteci ili pronominalno ili repeticijom imenske sintagme. Svaki od ova dva pomenuta referencijalna sredstva ima svoje specifične karakteristike.

Kontinuitet koji se realizuje pronominalno omogućava da se sa manje riječi uputi na istu stvar, ali prepostavlja da sagovornik dobro poznaje kontekst i da raspolaze određenim kogni-

tivnim karakteristikama koje će mu pomoći da uspješno prati tok referencijalnog kontinuiteta.

Upotreba ponovljene imenske sintagme pri ostvarivanju referencijalnog kontinuiteta omogućava lakše poimanje i praćenje rečenog i ne zahtijeva dublju aktivaciju kognitivnih sposobnosti sagovornika.

U nekim ranijim istraživanjima na ovu temu (Givon 1983), izbor referencijalnog izraza kao i pravila o održavanju referencijalnog kontinuiteta mjerena su izračunavanjem linearne distancije između anafore i antecedenta pomoću klauza. Mi se u ovom radu nismo bavili pitanjem zakonitosti, u smislu da utvrđujemo granicu na kojoj se smjenjuju pronominalna anafora i ponovljena imenska sintagma, već ispitivanjem toka kontinuacije u zavisnosti od prirode referenta.

3. Upućivanje na žive referente

U svakom jeziku postoje izvjesni izrazi kojima se upućuje na neki objekat i umjesto da se tumače posredstvom sebe samih, semantički, oni ostvaruju referencijaciju tako što upućuju na nešto što treba tumačiti (Halliday, Hasan 1976: 31). U slučaju referencijacije, informacija koju treba naći je samo referencijalno značenje, identitet neke pojedinačne stvari ili grupe stvari na koju se upućuje.

Kada se govori o referencijalnim izrazima većina lingvista koja se bavila proučavanjem referencijacije i njenih pratećih elemenata, iako ima različite pristupe ovoj problematici, saglasna je da uspješna referencijacija zavisi od niza faktora među kojima značajno mjesto zauzimaju i referencijalni izrazi. Dobar odabir referencijalnih izraza, uz ostale činioce koji utiču na tok referencijacije, omogućava postizanje osnovnog cilja, to jest uspješne komunikacije među sagovornicima bez obzira da li se ona realizuje u pisanim ili govornim diskursu.

Osim toga, svaki jezik ima ono što zovemo generalna sklonost ka nekom određenom referencijalnom izrazu kao i specifične sklonosti koje su osjetljive na pojedine tipove teksta (Baker 1992: 183).

Najčešće korišćeni referencijalni izrazi u engleskom jeziku i srpskom jeziku su lična imena, određene imenske sintagme, lične i pokazne zamjenice¹.

Iako se naizgled čini da se u oba jezika referencijacija održava istim referencijalnim sredstvima, za srpski jezik je karakteristično odustvo lične zamjenice u nominativu. Na pitanje zašto je to tako odgovor treba potražiti u tipološkoj podjeli jezika koja srpski jezik svrstava u flektivne, a engleski u djelimično flektivne jezike.

Treba imati na umu da lična imena, zamjenice, određeni izrazi i demonstrativi mogu biti u službi referencijacije, ali i da postoje slučajevi u kojima je njihova upotreba nereferencijalna, kao na primjer kada se određeni izrazi upotrebljavaju atributivno. Kod atributivne upotrebe sadržaj opisa je centralan za iskaz, govorno lice nastoji da identificuje informaciju o tome ko ili šta se uklapa u dati opis (Abbott, 2010: 142), a ne ko je stvarni referent na koga se upućuje.

Prilikom upućivanja na žive referente u ovoj vrsti pisane narativne forme korišćeni su sljedeći referencijalni izrazi: lična imena, titule, lične, prisvojne i pokazne zamjenice, odsustvo lične zamjenice u nominativu kao i imenske fraze koje koreferencijalno upućuju na neki entitet diskursa, što ilustrujemo primjerima datim u tabeli 1 i 2.

Tabela 1 Referencijalni izrazi korišćeni u narativnim pripovijetkama na engleskom jeziku (živi referenti)

lično ime	<i>Mr Pirzada won't be coming today.</i>
lično ime u genitivu	<i>Shukumar's long fingers linked with hers [...]</i>
lična zamjenica	<i>Worried that he might disturb her, Mr. Kapasi [...]</i>
prisvojna zamjenica (u determinativnoj funkciji)	<i>Mrs. Das said blowing on her nail [...]</i>
kratka imenska fraza	<i>the Indian man</i>

¹ Do zaključka se došlo analizom tekstova pisanih diskursa u okviru šireg istraživanja.

Tabela 2 Referencijalni iznazi korišćeni u narativnim pripovijetkama na srpskom jeziku (živi referenti)

lično ime	<i>Andelar je dolazio na predavanje bez kaiša.</i>
titula	<i>Monah je premro od straha.</i>
lična zamjenica	<i>Posadila ga je za sto [...]</i>
odsustvo lične zamjenice	<i>[...] zastao je na pola puta i osetio da ga gledamo.</i>
pokazna zamjenica	<i>Vidi ti njega, taj hoće da preskoči sopstvenu senku!</i>
prisvojna zamjenica	<i>Umesto vrata njegovi ključari morali su čuvati njegovo ime.</i>
imenska fraza	<i>ljudi s praporima na uhu</i>

Upoređujući podatke do kojih smo došli analizirajući pripovijetke iz oba korpusa, vidjeli smo da je u ovakvoj vrsti teksta, bez obzira da li je pisan na engleskom ili na srpskom jeziku, novi živi referent u diskurs uvođen imenskom sintagmom. Ta imenska sintagma je u najvećem broju primjera u svom sastavu imala lično ime. I dok je referencijacija uspostavljana imenskom sintagmom, dalji tok referencijalnog kontinuiteta odvijao se upotrebom pronominalnih referencijalnih sredstava što kvantitativno prikazujemo u tabelama 3 i 4.

Tabela 3 Referencijalni kontinuitet u narativnim pripovijetkama, engleski jezik (živi referenti)

Repeticija imenske sintagme		Pronominalna anafora		
ličnim imenom	drugom sintagmom	ličnom zamjenicom	prisvojnom zamjenicom	odsustvom I.z.
131	1	278	97	0

Tabela 4 Referencijalni kontinuitet u narativnim pripovijetkama, srpski jezik (živi referenti)

Repeticija imenske sintagme		Pronominalna anafora		
ličnim imenom	drugom sintagmom	ličnom zamjenicom	prisvojnom zamjenicom	odsustvom I.z.
120	18	98	37	161

Pronominalna anafora u korpusu pisanom na engleskom jeziku najčešće se ostvarivala ličnim zamjenicama, a po učestalosti upotrebe u engleskom jeziku slijedile su je prisvojne zamjenice, dok primjere upotrebe odsustva lične zamjenice u nominativu nismo zabilježili. Za razliku od engleskog jezika, u srpskom jeziku je dominiralo odsustvo lične zamjenice, a po broju primjera kojima je pronominalno upućivano na neki entitet diskursa slijedila je lična zamjenica.

Kada su u pitanju prisvojne zamjenice za srpski jezik je bio karakterističan dualni oblik prisvojne zamjenice za treće lice koja se javljala u formi prisvojne pridjevske zamjenice za svako lice *svoj*, ali i u formi *njen/njegov*. Sudeći po analiziranim primjerima, prisvojnim oblikom *svoj* upućivano je na blizinu, bilo da je riječ o emotivnoj ili fizičkoj blizini. Za sve ostale slučajeve označavanja pripadnosti korišćen je oblik *njen* odnosno *njegov*:

[...] reče ona i poljubi svog arhitektu Davida Senmuta [...] (SP, str. 155)

Uveče njen dečko je došao prvi put u posetu, osetio je na sebi sva tri njena prstena.

(CR, str. 6)

Kvantitativnom analizom problema referencijalnog kontinuiteta obuhvatili smo i tradicionalni pristup referencijalnom kontinuitetu prema kojem prelaz u pasus uvijek označava prekid pronominalne kontinuacije. Marslen-Wilson (1982), Tomlin (1987) i Fox (1987b) su pokazali, iako su svi koristili različite metode, da je granica pasusa mjesto koje označava da je vrijeme da govorno lice ponovo upotrijebi potpunu imensku frazu čak i kad je referent nedavno pomenut. Prema njihovom viđenju, granice među pasusima utiču na kontinuaciju referencijacije tako što određuju kada prekinuti pronominalnu referencijaciju i ponovo uvesti potpunu imensku frazu.

Naša analiza je pokazala da početak pasusa može, a i ne mora biti mjesto gdje počinje nova tema. Analizirajući tok referencijalne kontinuacije prilikom prelaska u novi pasus uočili smo da je referencijalni kontinuitet u većem broju primjera obilježila repeticija imenske sintagme, a u nešto manjem broju slučajeva i pronominalizaci-

ja, u oba jezika, što govori u prilog našoj tvrdnji da početak pasusa nije uvijek znak da treba prekinuti pronominalnu anaforu. U tabeli 5 i 6 dajemo numerički prikaz podataka izvršene analize toka referencijalne kontinuacije prilikom prelaza u novi pasus.

Tabela 5 Prelaz u pasus u narativnim pripovijetkama, engleski jezik (živi referenti)

Prelaz u pasus	
repeticijom imenske sintagme	pronominalnom anaforom
72	31

Tabela 6 Prelaz u pasus u narativnim pripovijetkama, srpski jezik (živi referenti)

Prelaz u pasus	
repeticijom imenske sintagme	pronominalnom anaforom
41	42

4. Upućivanje na nežive referente

Neživi referenti iz našeg korpusa uvođeni su u diskurs zajedničkom imenicom, koja ih označava. Na njih se upućivalo ličnim, prisvojnim i povratnim zamjenicama, kao i kratkim imenskim frazama. U tabeli 7 dajemo primjere referencijalnih izraza korišćenih kod upućivanja na nežive referente na engleskom jeziku, a u tabeli 8 na srpskom jeziku.

Tabela 7 Referencijalni izrazi korišćeni u narativnim pripovijetkama, engleski jezik (neživi referenti)

lična zamjenica	[...] he wound <i>it</i> and arranged <i>it</i> [...]
prisvojna zamjenica	Mr. Pirzada leaned over the pumpkin [...] and inhale <i>its</i> contents.
povratna zamjenica	[...] Dacca was repairing <i>itself</i> slowly[...]
kratka imenska fraza	<i>plain silver watch</i>

Tabela 8 Referencijalni izrazi korišćeni u narativnim pripovijetkama, srpski jezik (neživi referenti)

lično ime	[...] na Žiči se i danas mogu nazreti tragovi drevnih vratanica.
lična zamjenica	[...] izvadio upaljač i stavio <i>ga</i> [...]
pokazna zamjenica	[...] ko će <i>to ime</i> pročitati [...]
odsustvo lične zamjenice	[...] ne sme se zapisati [...]
prisvojna zamjenica	<i>Njena</i> četiri zuba imaju određeno značenje.
imenska fraza	četverozuba viljuška

Kod upućivanja na nežive referente, predmete, stvari i pojave u oba jezika referencijacija je tekla repeticijom imenske sintagme, ali i pronominalno, gotovo u podjednakom broju primjera u engleskom jeziku, dok je u srpskom jeziku češće korišćena repeticija imenske sintagme iz čega se da zaključiti da srpski jezik ima svoju kontinualnu preferenciju kada su u pitanju neživi referenti. Tabele 9 i 10 numerički prikazuju tok referencijalnog kontinuiteta repeticijom imenske sintagme u pronominalnom anaforom.

Tabela 9 Referencijalni kontinuitet u narativnim pripovijetkama, engleski jezik (neživi referenti)

Repeticija imenske sintagme	Pronominalna anafora		
	ličnom zamjenicom	prisvojnom zamjenicom	odsustvom l.z.
9	8	1	0

Tabela 10 Referencijalni kontinuitet u pripovijetkama, srpski jezik (neživi referenti)

Repeticija imenske sintagme	Pronominalna anafora		
	ličnom zamjenicom	prisvojnom zamjenicom	odsustvom l.z.
34	7	1	2

Zanimljivo je istaknuti da su analizom korpusa izdvojeni primjeri kojima se na neživi entitet upućuje imenskim frazama koje u svom nazivu imaju lično ime. Referencijalni kontinuitet kod istih se uglavnom ostvariva repeticijom ličnog imena i to u oba jezika čime je pokazano da je priroda neživih referenata ovog tipa najočitije uticala na tok referencijalnog kontinuiteta s obzirom da je u 97% slučajeva zahtjevala ponovljenu upotrebu imenske sintagme.

5. Zaključak

Na kraju ostaje da sumiramo podatke do kojih smo došli. Već je bilo riječi o tome da svaki jezik ima sklonost ka nekom određenom referencijalnom izrazu kao i specifične sklonosti koje su osjetljive na pojedine tipove teksta.

Činjenica da smo analizirali dva jezika, engleski i srpski, koji ne pripadaju istoj tipološkoj kategoriji, donekle objašnjava pomenute razlike u održavanju referencijalnog kontinuiteta.

Osim toga, tekst koji smo izabrali je pisani narativ koji takođe ima svoje specifične karakteristike, i koji je, kako navodi Ventola (1987: 141), povezani i tješnji u odnosu na govorni.

Još jedna od karakteristika pisanih teksta su kohezija i koherencija koje podrazumijevaju mrežu veza koje utiču na organizaciju teksta, a samim tim i na tok referencijalnog kontinuiteta.

Sve ove osobnosti analiziranog teksta doprinose uspostavljanju i oblikovanju toka referencijacije. Međutim, pored pomenutog okruženja u kojem se neki entitet pojavljuje, na referencijaciju utiče i priroda referenta na koji se upućuje.

Analizirani pisani diskurs zahtjeva poštovanje dva pravila. Prvo se odnosi na pravilo prvog pominjanja referenta ili uvođenja referenta u diskurs, a drugo na kontinuirano upućivanje na toponime.

Uvođenje referenta u diskurs gotovo uvijek se ostvaruje imenskom sintagmom, čiji je zadatak da olakša identifikovanje željenog referenta.

Kontinuirano upućivanje na toponime gotovo uvijek se vrši ponovljenom imenskom sintagmom, dok je pronominalno upućivanje na toponime zanemarljivo s obzirom na činjenicu

da se u analiziranom korpusu javilo u svega 2% primjera.

Izvori

1. Lahiri, Jhumpa (1999), *The Interpreter of Maladies*. Boston New York: Houghton Mifflin Harcourt, str. 9–80.
2. Pavić, Milorad (1976), *Konji Svetog Marka*. Beograd: Prosveta, str. 7–27.
3. Pavić, Milorad (1998), *Stakleni puž: priče sa interneta*. Beograd: Dereta, str. 129–155.
4. Pavić, Milorad (2003), *Carski rez i druge priče*. Beograd: Dereta, str. 5–13, 77–91.

Literatura

1. Abbott, Barbara (2010), *Reference, Oxford: Oxford University Press*.
2. Baker, Mona (1992), *In Other Words: A Coursebook on Translation*, London: Routledge.
3. Fox, Barbara. A. (1986), „Local patterns and general principles in cognitive processes: anaphora in written and conversational English“, *Text 6*, 1: 25–51.
4. Fox, Barbara. A. (1987), *Discourse structure and anaphora*, Cambridge: CUP.
5. Givon, Thomas (1983 b), *Topic continuity in discourse: a quantitative crosslinguistic study*. Typological studies in language series (vol. 3). Amsterdam: John Benjamins.
6. Halliday, Michael. A. K. and Ruqaiya Hasan (1976), *Cohesion in English*, London: Longman Group.
7. Marslen-Wilson, William. D. et al. (1982), „Producing interpretable discourse: The Establishment and Maintenance of Reference“, *Speech, Place, and Action. Studies in Deixis and Related Topics*, ed. R.J. Jarvela and W. Klein, Chichester: Wiley, 339–378.
8. Tomlin, Russell (1987), „Linguistic Reflections of Cognitive Events“, R. Tomlin (ed.) *Coherence and Grounding in Discourse*, Amsterdam: John Benjamins, p. 455–479.
9. Ventola, Eija (1987), *The Structure of Social Interaction*, London: Pinter.

PERMANENT REFERENCE TO LIVING AND NON-LIVING THINGS IN WRITTEN DISCOURSE

Summary

The aim of this paper is to analyse referential continuity in written discourse. Holding a view that referring to an entity depends on the nature of the entity itself, we analysed reference to animate and inanimate entities separately. One of the characteristics of language is its referential function which helps us not only to identify referents but to refer to them continuously using a wide spectrum of referring expressions from unambiguous noun phrases and repetition to personal pronouns and demonstratives. The efficiency of establishing and maintaining referential continuity is assessed with the ability of readers to identify and track referents in text. The text we used for the analysis is a narrative story in English and Serbian.

jelena.sajinovic@unibl.rs